



UNIVERSITÄTS-
BIBLIOTHEK
PADERBORN

**Institutionum Juris Canonici Sive Primorum totius Sacrae
Jurisprudentiae Elementorum. Libri Quatuor**

Febeo, Francesco Antonio

Coloniæ Agrippinæ, 1704

VD18 13560743-001

Tit. XVI. De in integrum restitutione

urn:nbn:de:hbz:466:1-63052

supradiximus in hoc tit. num. 9. ubi exemplum attulimus de appellatione in causis visitationis & correctionis ex declaratione Sacrae Congregationis Concilii.

26. Utrum autem post appellationem à definitiva , sicut prohibetur Judici ne aliquid innovet , & si quid innovet revocatur ; ita pariter prohibitum sit partibus , ita ut si aliquid interim per partem fiat , sit revocandum ; controversia est inter Innoc. & Host. quæ vide ri potest fusè exposita à Panor. in c. Dilect. & 10. de except. n: 4.

27. Alter effectus appellationis est devolutivus , ita ut scilicet per appellationem devolvat causa ad Judicem appellatum , qui cognoscere poterit tum de justitia appellationis , tum etiam de causa principali , imo & de ejus accessoriis & connexis , ut sumitur ex cap. Dilect. 55. de appellat. Hic effectus latius extenditur , quam effectus suspensivus , quia sæpe etiam in iis casibus , in quibus effectus suspensivus locum non habet , admittitur devolutivus , ut ex dictis patet.

T I T. XVI.

De in Integrum restitutione.

I. Ræter appellationis remedium , quod de iuris æquitate succurritur iis , qui per sententiā inju-

injustam lœsi sint , aliud quoque suppetit remedium quibusdā particularibus locis, & personis, ubi se non possint appellatione tueri ; quod est beneficium restitutionis in integrum, seu reductionis in statum pristinum. Competit autem hoc remedium minoribus , hoc est qui nondum vigesimum quintum ætatis annum impleverunt , & Ecclesiis , ut sumitur ex teto tit. De in integrum restitut. in primo Decretal. & in toto tit. C. si adversus rem judicat. restit. postuletur; amo , & omnibus locis piis authoritate Episcopi erectis , & fundatis , juxta l. omnia 34. Cod. de Episc. & Cler. ubi habetur quod privilegia tributa Ecclesiis extenduntur quoque ad alia loca pia. Unde si minor aut Ecclesia se in aliquo graviter lœsam cognoscat & appellandi tempus jam fluxerit, restitutionem tamen in integrum poterit implorare.

2. Hoc beneficium est amplæ interpretationis , & extensionis , unde datur non solum pro reparanda lœsione sententiæ injustæ , quamvis ea processerit ex propria negligentia , sive ex negligentia tutoris &c. sed etiam pro rescindendis contractibus , quos celebrare damnum fuit iisdem minoribus aut Ecclesiis , in quo casu agere possunt contra quemvis alieniæ rei possessorem , ut constat ex c. constitutus. de in integr. restit. Idque adeo procedit ut in eodem casu unus minor agere possit contra alium



lum minorem , & una Ecclesia contra aliam
atque in integrum restitui , ut sumitur ex cap.
auditis 3.eod. & l.verum 11. §. fin. ff. de minorib. Nisi
tamen eadem sit utriusque causa , hoc est ita ut
agat utraque de æquali damno vitando , & æ-
que potens sit utriusque privilegium , in quo
casu res decidenda erit juxta jus commune, per-
inde ac si illis non competet beneficium resti-
tutionis in integrum , quia privilegiatus contra
privilegiatum non utitur privilegio suo ubi par-
est utriusque causa , arg. l. assiduis 12. §. & ideo
quod antiquitas Cod. qui potiores in pignore , ubi
privilegium prælationis dotis non competit
contra alium habentem simile privilegium. Vi-
deri potest Bart. in auth. quas actiones Cod. de sa-
cro sanct. Eccl. & Panor. in cap. in præsentia 8. de
probat. n. 37. & seqq.

3. Quamvis tamen hoc beneficium directè ,
& primario solis minoribus , & locis piis con-
cessum sit , non obstat quo minus aliquando e-
tiam majoribus concedatur , si justa aliqua cau-
sa interveniat , ut puta si per alienam fraudem
decepti sint , ut exponitur in c. ex litteris 4. de in-
tegr. restit. & habetur etiam ex toto tit. ff. ex
quibus causis majores in integr. restit.

4. Tempus petendi restitutionem in inte-
grum pro minoribus est tum totum tempus
minoritatis , tum integrum quadriennium
ab expleta minoritate , de quo quadriennio ju-
sta

S 5



la absentia , & omne legitimū impedimentū excipitur ex l.fin: C.de temporib.in integr.restit. adeoque lapsō quadriennio tantum temporis adjici debet, quantum fuit tempus absentiæ. Ecclesia etiam quotiescumque graviter laesa fuerit , petere poterit restitutionem in integrum intra quadriennium à tempore laesonis saltem cogitatæ intra quod si negligenter omisit , admittenda non erit ad usū hujusmodi beneficii ; sed agere tantum poterit per viam juris communis : nisi tamen intra illud quadriennium ex aliqua rationabili causa restitutionem in integrum petere non potuerit , quia in re praesenti non currit tempus impedito. Sumuntur hæc ex toto tit. de restit.in integr. in 6.

5. Peti autem debet regulariter coram Judice illius contra quem petitur , quia Actor sequitur forum Rei , quamvis si Ecclesia laesa sit , petere possit restitutionem etiam contra laicum coram Judice Ecclesiastico, ut colligitur ex cap. penult. de reb. Eccl. alienan. vel non. Sed & opus est ut Judex ille , coram quo petitur, non solum habeat facultatem judicandi , sed etiam administratione potiatur cum jurisdictione conjuncta: ex qua ratione coram arbitro compromissario peti non potest , quemadmodum neque coram Judice delegato ab Ordinario administrationem non habente , qui de causa restitutionis in integrum cognoscere nequit, nisi corā

non mota fuerit incidenter , juxta textum in cap.
penalt. de in integr. restit. causa enim restitutio-
nis in integrum pertinet ad mixtum imperium
ut supra diximus in hoc lib. 3. tit. 2. n. 13. Ea autem
quaे sunt mixti imperii, non competit nisi ha-
bentibus administrationem cum jurisdictione
conunctam, ut patet ex dictis in loco citato.

6. Illud etiam diligenter servandum est , ut
si petenda sit restitutio in integrum contra sen-
tentiam ab aliquo Judice latam , non petatur
coram alio inferiori Judice : minor enim Ju-
dex contra sententiam majoris non restituit,
sed solum contra sententiam latam , vel à se
ipso , vel à Judice minoris aut æqualis jurisdi-
ctionis, ut constat ex l. Praefecti 17. & l. minor 18.
f. de minorib. juncta ibid. Gloss. v. minor autem.
Inde est quod contra sententiam definitivam
Supremi Principis aut ejus delegati, nemo infe-
rior in integrum restituere potest , nisi ad id sit
specialiter delegatus.

7. Pro forma petendæ restitutioonis in inte-
grum, opus est ut ea coram idoneo Judice peta-
tur præsente adversario contra quem petitur,
nisi sit per contumaciam absens , ut habetur ex
l. tum ex litteris 5. de in integr. restit. Æquitas
enim petit ut nemo inculpabiliter indefensus
judicetur , ratione cuius præmitti etiam debet
citatio, & litis contestatio , ut patet ex supradi-
ctis in hoc lib. 3. tit. 4. n. 2.

S 6

8. Ef-

8. Effectus restitutionis in integrum est primum, ut quamdiu ejus judicium pendet, nihil innovari debeat, sed omnia in suo statu conservari, ut constat ex l. un. C. in integr. restitutione postul. ne quid novi fiat. Excipitur tamen ab hac regula casus, in quo aliquis post latam contrasse in aliqua causa sententiam, intenter judicium de restitutione in integrum, cum vehementi presumptione malitiæ, quod scilicet id faciat ad impediendam executionem sententiae: tunc enim executioni mandari potest lata sententia, praestita tamen ab adversario idonea cautione de restituendo, quod medio tempore occasione sententiæ perceperit, si petens restitutionem in integrum in judicio ejusdem restitutionis prævaluerit, ut habetur in c. suscitato 6. de in integr. restit.

9. Alter effectus restitutionis in integrum sententia Judicis obtinetur est, ut rescissum sit quod gestum est, & unusquisque in suo pristino jure reponatur, ita ut scilicet Iesus, qui restitutionem obtinuit, suum recipiat; & etiam laedens (si tamen bona fide egerit) suo pretio, & necessariis ac utilibus expensis, quas fortasse in re, quam restituit, fecit, non defraudetur, ut patet ex c. 1. eod.

TIT.

